

## **Parlament communal Ilanz/Glion**

### **Communicaziun allas medias**

A caschun dalla sesida dils 6 d'avrel 2022 ha il parlament communal dad Ilanz/Glion approbau unanimamein la lescha davart la promoziun dalla sanadad, dalla prevenziun e dil sport dalla vischnaunca dad Ilanz/Glion. Tochen ussa muncava ina basa legala per promover il sport d'ina vart e las activitads dalla vischnaunca els secturs dalla sanadad e dalla prevenziun da l'autra vart.

L'incumbensa Cavigelli davart la revisiun dalla planisaziun locala e reducziun dallas zonas da baghegair memia grondas, la quala era vegnida inoltrada a caschun dalla davosa sesida dil parlament, ei medemamein vegnida surdada unanimamein. La suprastonza communal vul far differentas mesiras per ademplir il basegns d'informaziun descrets ell'incumbensa. Quei duei succeder cun occurrenz d'informaziun, in FAQ per rispunder las pli impurtontas damondas, in video che declara igl agir ed ils fatgs sco era informaziuns repetitivas el Fegl uffical dalla Surselva.

Ultra da quei ha il parlament communal approbau la revisiun parziala dalla lescha da pumpiers dalla vischnaunca dad Ilanz/Glion. En connex cun la liberaziun dall'obligaziun da far pumpiers e dalla taxa da cumpensaziun era ei semussau che la pratica vertenta per giudicar cuminonzas da veta correspunda buca allas pretensiuns dad oz. Da niev ein las differentas fuormas da cuminonza menziunadas explicitamein ella lescha. Per la realisaziun ella pratica prevesa la suprastonza communal da reglar ell'ordinaziun da pumpiers tgei mussament ch'ei necessaris per cumprovar in concubinat.

Las anteriuras vischnauncas havevan entginas leschas e regulaziuns ch'ei ussa buca pli valeivlas ni che lur basa legala ei semidada. Quei eran oravontut las leschas davart la cultivaziun forestala sco era la lescha d'avertura dil marcau da Glion. Cun quei che quellas regulaziuns ein mai vegnidas abolidas formalmein, ei quei ussa vegniu liquidau dil parlament communal.

La proxima sesida dil parlament communal ha liug margis, ils 17 da matg 2022 allas 19.00 a Glion.

Ilanz/Glion, ils 7 d'avrel 2022

Parlament communal Ilanz/Glion

## **Gemeindeparlament Ilanz/Glion**

### **Medienmitteilung**

Anlässlich der Sitzung vom 6. April 2022 hat das Gemeindeparlament Ilanz/Glion das Gesetz über die Förderung der Gesundheit, Prävention und Sport der Gemeinde Ilanz/Glion einstimmig genehmigt. Bislang fehlte eine gesetzliche Grundlage für die Sportförderung zum einen und für die Tätigkeiten der Gemeinde im Bereich Gesundheit und Prävention zum anderen.

Der anlässlich der letzten Parlamentssitzung eingereichte Auftrag Cavigelli betreffend Ortsplanungsrevision und Reduktion der zu grossen Bauzonen wurde ebenfalls einstimmig überwiesen. Der Gemeindevorstand will verschiedene Massnahmen treffen, um dem im Auftrag beschriebenen Informationsbedürfnis nachzukommen. Das soll mit Informationsveranstaltungen, einem FAQ für die Beantwortung der wichtigsten Fragen, einem Erklärvideo mit Vorgehen und Sachverhalt sowie wiederholte Informationen im Amtsblatt Surselva geschehen.

Ausserdem hat das Gemeindeparlament die Teilrevision des Feuerwehrgesetzes der Gemeinde Ilanz/Glion genehmigt. Bei der Befreiung von der Feuerwehrpflicht und Ersatzabgabe hatte sich gezeigt, dass die bisherige Praxis für die Beurteilung von Lebensgemeinschaften nicht den heutigen Anforderungen entspricht. Neu sind die verschiedenen Gemeinschaftsformen im Gesetz explizit erwähnt. Für die Umsetzung in der Praxis sieht der Gemeindevorstand vor, in der Feuerwehrverordnung zu regeln, welcher Nachweis für ein Konkubinatsnachweis zu erbringen ist.

Die ehemaligen Gemeinden hatten einige Gesetze und Regelungen, welche nicht mehr gültig sind oder deren gesetzliche Grundlage sich verändert hat. Dies waren vor allem die Gesetze betreffend Waldbewirtschaftung sowie das Erschliessungsgesetz der Stadt Ilanz. Da diese Regelungen formell nie ausser Kraft gesetzt worden sind, wurde dies nun durch das Gemeindeparlament bereinigt.

Die nächste Gemeindeparlamentssitzung findet am Dienstag, dem 17. Mai 2022, um 19.00 Uhr in Ilanz statt.

Ilanz/Glion, den 7. April 2022

Gemeindeparlament Ilanz/Glion